

**Dumonda Caviezel (Tavau Clavadel) concernent la reconuschientscha d'entradas pli pitschnas / da custs supplementars COVID-19**

Cun il conclus nr. 289/2020 ha la Regenza concludì da sustegnair ils furniturs principals da prestaziuns en ils fatgs da sanadad durant la pandemia da COVID-19 indemnisond d'ina vart las entradas pli pitschnas e surpigliond da l'autra vart ils custs supplementars. En quest connex è il chantun Grischun stà – ensemen cun il chantun Berna – in chantun da pionier en Svizra. Per quai vuessan nus exprimer in grond laud a la Regenza. Quest laud vegn ussa turblà, perquai ch'ils ospitals ston cudeschar cifras concretas per la clusiu da lur quint annual. Els ston pia pudair stimar, tge entradas pli pitschnas e tge custs supplementars che vegnan reconuschids. Sin basa da las revisiuns intermediaras ch'èn vegnidas fatgas da l'Uffizi da sanadad èn resultatadas grondas malsegirezzas en quest regard.

Pervia da quai drizzain nus las suandantas dumondas a la Regenza:

1. Co fa la Regenza quint da tractar las perditas d'entradas da las personas cun assicuranza suppelementara e dals pajaders autonomi?
2. Co fa la Regenza quint da tractar il deficit evident tar ils furniturs da prestaziuns, che resultan dal tractament ambulat da pazientas e pazients cun COVID-19?
3. Co fa la Regenza quint da tractar ils custs supplementars che resultan da l'acquist d'apparats da la tecnica medicinala > 10 000 francs, sco p.ex. apparats da respiraziun?

Tavau, ils 9 da december 2020

**Caviezel (Tavau Clavadel)**, Cahenzli-Philipp, Favre Accola, Alig, Berweger, Bettinaglio, Bigliel, Brandenburger, Caluori, Cantieni, Caviezel (Cuir), Censi, Clalüna, Danuser, Degiacomi, Deplazes (Rabius), Ellemunter, Engler, Felix, Flüttsch, Grass, Hartmann-Conrad, Hitz-Rusch, Holzinger-Loretz, Jochum, Kasper, Kienz, Koch, Lamprecht, Maissen, Michael (Castasegna), Michael (Donat), Mittner, Müller (Susch), Natter, Niggli (Samedan), Niggli-Mathis (Grüsch), Papa, Pfäffli, Preisig, Ruckstuhl, Schutz, Stiffler, Tanner, Thomann-Frank, Thür-Suter, Valär, von Ballmoos, Waidacher, Wilhelm, Giudicetti, Stieger